

• 王雲五主編 •

人人文庫



杜工部詩年譜

魯 訔 撰

臺灣商務印書館印行

魯

豈撰

四庫
全書

杜工部詩年譜

臺灣商務印書館發行

復刊人人文庫序

人人文庫自民國五十五年始刊，迄六十二年終刊成者計達一千五百餘種。中分單號雙號及特號三種。單號每冊八元，雙號十二元，特號二十元。其種數之多，定價之廉，冠於全國。及六十二年秋後，紙張價格奇漲，且不易得，其他工料莫不稱是。人人文庫原以廉價爲主，隨成本而增價，殊違本旨，不得已於六十三年元月始暫停新書之印行，即原已出版各書亦以售罄爲止，暫不重版。今歲三四月以來紙價工價雖平均較前增長百分之一百五十，然已漸趨穩定，籌謀再四，決從五月起，仍予復刊，每月新刊暫定爲十種，其原出各書，銷數較廣者，仍予重版，以應讀者需求。書價姑定爲單號每冊十二元，雙號十八元，特號三十元，所增雖僅百分之五十，而以視工料之增長百分之一百五十者，仍稍虧損在所不惜。

復刊以後，選材益加審慎，範圍亦日廣，除與英國之人人文庫比擬，且後來居上。關於新知識之介紹仍略仿英國家庭大學叢書。又復刊新書之編著悉與原刊蟬聯

，設印刷工料不再增長，則由原刊之千五百餘種，不難與時並進，遞增至數千種，乃至萬種，使青年學子得以廉價盡讀有用之書，此則所殷望也。

又除單號雙號每種仍維持一冊外，特號因多載名著，爲存其真，必要時得分訂爲二冊以上，如十九世紀歐洲思想史卽其一例也。

中華民國六十三年五月一日王雲五識

詳校官編修臣范來宗

刑部郎中_臣許兆椿覆勘

欽定四庫全書

史部七

杜工部詩年譜

傳記類二名人之屬

提要

臣等謹案杜工部詩年譜一卷宋魯訔撰訔字季欽嘉興人官至福建提點刑獄公事周必大平園集有訔墓誌述其官階始末甚詳諸書或云字季卿或云海鹽人或云仕至大府卿皆誤也訔曾注杜詩今存者惟此譜篇首有

嘗編次杜工部詩序末有王士禎跋謂甫年譜
創始於呂汲公大防嘗以甫生於睿宗先天元
年壬子卒於大歷五年庚戌蓋承呂譜之舊也
考甫生卒之歲諸書往往錯互舊唐書謂甫卒
於永泰二年永泰在大歷之前甫詩有大歷三
年以下諸作則舊書為誤王觀國辯之是也然
觀國云甫生於先天元年癸丑卒於大歷五年
辛亥不知癸丑乃先天之二年即開元元年辛

亥乃大厯六年則觀國亦未深考矣元禎作
甫墓誌云享年五十九王洙原叙注子美詩
序曰大厯五年甫下夾入湖南游衡山寓居
耒陽五年夏一夕醉飽卒大厯五年為庚戌
歲上距先天元年壬子適五十有九年則甫
生於壬子無疑嘗此譜根據呂譜未嘗誤也
姚桐壽樂郊私語云杜少陵集自游龍門至
過洞庭詩目次第為季卿編定一循少陵平

生行蹟可以見其詩法近時淦陽張氏吳江
朱氏所注杜詩其年譜大率仿此而推拓之
知密於趙子櫟譜多矣雖間有附會又烏可
以一青掩乎乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

杜工部詩年譜原序

騷人雅士同知祖尚少陵同欲模楷聲韻同苦其意律
深嚴難讀也余謂少陵老人初不事艱澁左隱以病人
其平易處有賤夫老婦所可道者至其深純宏妙千古
不可追跡則序事穩實立意渾大遇物寫難狀之景紆
情出不說之意借古的確感時深遠若江海浩漾
大水貌風雲蕩汨蛟龍鼉鼉出沒其間而變化莫測風澄
雲霽象緯回薄錯峙偉麗細大無不可觀離而序之次

其先後時危平俗媿惡山川夷險風物明晦公之所寓
舒局皆可槩見如陪公杖屨而游四方數百年間猶對
面語何患於難讀耶名公巨儒譜敘注釋是不一家用
意率過異說如蝟余因舊集略加編次古詩近體一其
先後摘諸家之善有考於當時事實及地理歲月與古
語之的然者聊注其下若其意律乃詩之六經神會意
得隨人所到不敢易而言之敘次既倫讀之者如親罹
艱棘虎狼之慘為可驚愕目見當時眚庶被剗刻轉塗

炭為可憫因感公之流徙始而適中而瘁卒至為少年
輩侮忽以訖死為可傷也紹興癸酉五月晦日丹丘冷
齋魯書序

欽定四庫全書

杜工部詩年譜

宋 魯訢 撰

睿宗先天元年壬子

正月改太極五月改為延和明皇以是年八月改元

按公志及傳皆云年五十九卒於大歷五年庚戌詩

史云開元元年癸丑公生公上三大禮賦云生陛下

淳樸之俗行四十載公天寶十載奏賦年三十有九

逆算公是年生呂汲公考公生先天元年壬子天寶

十三載奏賦若十三載公當四十三歲矣唐書宰相
表及紀年通譜先天元年壬子而譜以為癸丑集祭
房公廣德元年歲次癸卯而譜以為甲辰皆差一年

汲公呂大防
始作詩年譜

開元元年癸丑

三年乙卯

公郾城觀公孫弟子舞劍行云開元三年余尚童稚
於郾城觀公孫舞劍器年譜以為三年丙辰按公是

年纔四歲年必有誤公進鵬賦表云臣素賴先人緒業自七歲所綴詩筆向四十載矣約千有餘篇則能憶四歲時事不為誤也

十四年丙寅

公初游選場壯遊曰往昔十四五出遊翰墨場斯文崔魏徒以我似班揚

二十三年乙亥公年二十四

公作開元皇帝皇甫淑妃豐碑曰歲次乙亥十月癸

未朔薨又曰野老何知斯文見托不論官閥游夏入
文學之科意公尚白衣天寶十載始上三大禮賦起
家授河西尉或以為是年未應稱野老當是天寶十
載辛卯銘曰列樹拱矣豐碑闕然乃知後來方立碑
也但未能考其定於何年

二十五年丁丑

史云公少不自振客遊吳越齊趙故壯遊曰東下姑
蘇臺已具浮海航到今有遺恨不得窮扶桑歸帆拂